

~
L 18
0

Bekentnus vnnnd besa-
 gung etlich gefangener morthbrenner/
 so newlich allenthalben inn Deudscher Nas-
 tion zubrennen bestelt etc. menig-
 lichem zur warnung inn-
 truck ausgehen
 lassen.

Dies ist der brenner zeichen wie der von
 Bomeß selbst gezeichnet/ins wirtshaus
 auff einen teller geschnitten.



Faint, illegible text, possibly bleed-through from the reverse side of the page. The text is arranged in several lines and is significantly faded.



A Anno etc. XL. auff dinstag nach Trinitatis ha-
ben Andreas von Brambach amptman zu
Dietz/ vnd Ehies von dreispach anstatt Vol-
pricht Rutesels die sechs gefangē alhie zu Dietz
so innhafft sitzen durch den Scharpffrichter zu Sie-
gen peinlich fragen lassen/ vnd ist ihr bekenntnis wie fol-
get.

Der erst Michel von Anzur aus Franckreich. Der
ander heist Johan aus Hoburgundia von Blelegan.
Der drit heist Peter von Esch aus Franckreich. Sol-
che drey sein als Els geprent bey Hadamar ergriffen
worden. Der vierde heist Ruprecht Zielanger zu Ho-
burgundia/ ist zu Dffheim ergriffen worden.

Der fünfft heist Johan von Borsso aus Franckreich
ist zu Wintershausen gefangen worden. Der sechst
heist Claus Franck von Werten/ ist zu Holtusen zur
Linder ergriffen.

Der erst Michel vmb achzehen oder zwentzig jar alt
hat bekant Peter/ Johan/ vnd er haben das dorff Els
angesteckt vnd verprent/ vnnnd sie haben ein bestellung
von juncker Johan gnant von Neinschampanien/ vnd
sie drey haben gelt auff die handt empfangē in Deudsch-
land zu brennen/ vnd sie solten vmb Montebur anfangs
en die grossen dörffer vnnnd flecken im Lantgrenischen
lande/ im Cölnischen/ auff dem Gaw/ vnnnd allenthal-
ben herumher wo es inn diesem lande were. Sagt ihr
seien bey vierhundert inn Deudschland zu brennen ge-
sandt/ zu Alten Dietz haben sie garn geheischen/ wieck-
en gemacht damit Els verprent

Michel besagt.

Zonas der Flehenfenger bey Brawweiler/ ist ein clo-
ster bey Cöln hat ein zerschnitten ledern Koller/ ein sch-
wartzbars

wartz barchant zerschnitten weis gefüttert wammes/
geel zerschnittē hosen rodt gefüttert / sey ein lands knecht
hat ein schwarzen hut da zwey oren abgeschnitten vñ
ein messingen krantz darauff / hat ein schwarzen bart.

Item Johan von Neus hat oben weis hosen vñ den
blawe strümpff / ein rot ledern wambes / ein schwarze
leib rock / ein weissen hut darauff ein schnur mit dreten /
hat ein roten bart.

Wilhelm Gotzmengen von Keyferswerde ein weis
sen kuttentierten zwilchs kittel / ein schwarzen hut /
weis drat am krantz / leinen hosen / ein weis wollen
wambes / ist vmb xx. jar / hat kein bart.

Kenne zu welsch / heist Reinhart / tregt gleser feil inn
einer reuffen / zu Piron daheim / ist der rechter brenner
einer / hat ein braun bart.

Sagt juncker Dietherich inn Franckreich sey der
rechte heubtman / hab ein krum nase wont zu Orliantz
helt sich bey dem könig zu Franckreich / ist der rechte
heubtman / vñ hat juncker Johann bestellt der solt al
les mehr bestellen.

Juncker Wilhelm von Creutzenach wonet daselbst /
ist ein heubtman von funtzig brenner.

Juncker Peter von S. Niclas / ist ein heubtman vber
fünfftzig brenner.

Item Jörg von Strasburg get betlen / hat ein frau
heist Margret / hat ein schwarzen bart ein kurtze per
son vmb vierrzig jar alt / leinē oberstrümpff / die frau ist
gros hat ein schwarzen rock / ein schurtz vmbgegürdt
schwarz / weis leinen strümpff ist der brenner einer be
stelt von juncker Johann.

Michel sagt sie sein bestellt vñ bescheiden zu bren
nen vmb Cöln die grossen hösse etc.

Sagt

Sagt weither/ sie sein bescheiden zu brennen auff
den Pfaltzgrauen / auff den Bischoff von Trier / auff
den Bischoff von Cöln / auff den Landtgrauen / vnd
auff das Nassawische land / vnd allenthalben inn dem
selbigen lande. Vnd sie solten die beschlossenen stet vnd
flecken zum ersten mal brennen / sie könten wol bey tag
vnd nacht inn die dörffer kommen / sonderlich Dietz/
Limpurg / Montebur / Hadamat / vnd was vor besch
lossene flecken darumb her weren.

Der ander Johann aus Burgundi vmb achzehen
jar alt / sagt vnd hat bekant das Michel Peter vnd er /
Els verprent haben / vnd ihrer neun haben von einem
heubtman zu Lungenfelt bey Creutznach entpfangen /
jeglicher ij. gulden. Vnd ihr heubtman hab ein haus
zu Metz vnd wont inn Franckreich zu Euplar / hat ein
krume nase / kan Deudsch vnd Welsch reden. Sagt sie
sein bescheiden zubrennen im Landt greuischen / Nassaw
ischen vnd andern lande daselbst herumher wo man
Luters sey / vnd die vrsach das man im selbigen land
Freitags vnd in der faste fleisch ist. Sagt ir heubtman
hab sie bescheiden wann sie also ein monat oder drey
dapffer geprennet / so solten sie ihnen zu Metz zur flock
en finden / als dann wolt er jeglichem noch drey gulden
geben. Sagt weiter ihr sey neun gewesen die bey Creutz
nach angenommen.

Erstlich Peter Michel vnd er so alhie zu Dietz gefan
gen sitzen.

Der viert Kolin oder Conrat bey Diedenhoben ist
vmb zwentzig jar alt / hat ein kleinen schwarzen bart /
ein schwarzē rock / graw hosen rot paret / ist ein kriegs
man / sagt dieser sey vnderheubtman / wont auff einem
dorff bey Diedenhoben / darin stehe ein weiskirch vnd
A iij sey ein

sey ein mōnich daselbst an der Mosel gelegen.

Der fünfft heist Peter/ bey Spanien bürgerig/ hat gel
zerichnitten hosen an/ ein schiebersteinig wambes/ hat
ein grossen schwarzen bart.

Der sechst Steffan aus Flanderē / hat ein roten bart
zimlich alters.

Der siebent heischt Michel zu Leon daheim/ hat ein
grawhen rock ein langer gesel/ hat ein schwarzē bart.

Der acht Kilian inn Franckreich bürgerig ein kurtz ge
sell.

Der neunt heist Wilhelm aus Franckreich der fleis
der ist vn̄ündich.

Johan besagt.

Johan von Andernach ist zu Berkestel im Spital ist
auch der brenner einer / hat ein wenig barts schwarz
von zimlicher leng/ leinen strümpff weis ober strümpff/
ein weissen rock.

Wilhelms Johans ist ein wal/ auch der brenner ein
schwarzen bart oben geschoren/ hatt keinen rock ein
schwarzen kittel/ oben ein liedern geses graw futer vn̄
den weis wullen strümpff ein bösen hut.

Der drit Peter vmb xx. jar alt/ sagt er hab das dorff
Els verpren̄t vnd das sewr inn ein schewr vnder stro ge
legt. Besteet das sie die wiecken so man funden gemas
chet vn̄ ligen lassen haben/ vn̄ sie haben gelt in Deusch
land zu brennen empfangen/ Sagt Johan kenne die
heuptleut besser dann er.

Der viert Ruprecht hat erkant es sey xiiii. tage vor
Ostern on geser ein Capitan zu inen obē bey Hadamar
komen/ vnd ein reit schwert vber ihne gezogen gesagt er
solt sein diener sein/ er het viel pferd daheim/ Also seind
sie des morgens inn Hadamar gangen/ vnd der Capis
tan

tan hab spillengarn mit schwebel bereit gehabt / vnd durch gangen die spillen angezünd / vnd in die scheuren geworffen ongefertlich sieben oder acht / das hab er helfen thun / auch solcher spillen hinein geworffen vff die decher. So hab er auch das dorff Hundfangen an stecken helfen / sey aber gelescht worden. Sagt sein Capitan hab drey knecht bey ime vnd zwen jungen Deutschen / ligen in einem wald nit weit von Hadamar / vnd die jungen tragen ihm profand zu / hat sich erpotten er wöll weisen wo sie ligē. Sagt ferner er sol auch Els verprent haben / als er komen was so were es schon gescheen / vnd er hab vor Limpurg vnder dem creutz von seinem Capitan genant juncker Johan gelt auff die hant empfangen. Der Capitan hat ein schwartz keplein in der weich vmbgegürt an / ist ein gros person vnd hab ein schwartzen bart nicht zu kurtz noch zu lanck / die jungen haben / einer ein weissen grawen rock / einer ein rot paret / der ander ein schwartz paret.

Ruprecht besagt.

Claus Malgar wonet zu Blidenstat Kan gut Italianisch / hat ein dünnen bart von farben braun / vnd herberget etwan armen / hat ein kleine stube / vnd stet das haus an der mauren / hat ein bösen schwartzen rock an vnd ein schwartz ront paret auff / auch etwan ein kittel an / vnd wandert hefftig hin vnd widder mit brennen.

Es helt sich auch einer gnant Jacob zu weisbaden ist von Bon / herbergt zu Weisbad im hurhaus / hat ein schwartz Barchant wammes an / zerschnittene ersmel mit rotem fater / geel hosen vnd zerschnitten / ein schwartzen hut mit grossen federn / vñ ein dicke schnur mit dreten gedrehet / hat ein heslichen bart vnd ein zimliche glied

liche glidmas.

Item Niclas Moll wonet zu Creutznach / ist ihrer gesellen auch einer wont mit weib vnd kinden zu Creutznach.

Es ligen zu weisbaden etwan zehen landsknecht / sein ihre gesellen sollen prennen, morden rauben wo sie zu kommen.

Der fünfft heist Johan / sagt er hab von diesen nach geschriebenen heuptmennern ein kron auff die handt empfangen inn Deudscher nation zubrennen da man Luters sey / dergleichen zu morden / zu rauben in hohem Deudschen lande / dann es seind kein Christenleuthe darinne / vnnnd haben die heiligen verprent / so ist man am freitag Sonabend vnd inn der fasten fleisch / vnnnd feirt die heiligen tag nicht. Sagt er hab einen flecken helffen verprennen / dabey hab ein alt schlos gestanden vnd irer sein vber fünfftzig mit einander heraus gezogen / darunder seind Deudschen / Walen / Sanger etc. Aber es seind etlich hundert bestellt inn Deuschland zu brennen / vn̄ komen all teglichs mehr. Irer sein sechs mit einander angenommen / sey Ruprecht der auch gefangen einer / ein deudscher genant Michel / der ander hab ein verdeiltten rock allerley farb / vnd hab ein paret vnnnd ein hut schwartz. Er der drit / die andern kent er mit namen nicht sein Frantzösisch können ein wenig deudsch. Ruprecht sein gesell sagt das obgenant dorff so sie an gesteckt / sey Hunsangen gewest / inn der graffschafft Dietz gelegen.

Der heuptmenner sollen vier gewest sein.

Der erst heist Mofor Jaeck salaer wonet zu Auees inn Franckreich / vier meilen wegs von Pareis.

Der ander heyst Mofor Gladesor a Sees in Franckreich

reich aus vi. meilen bey Pareis.

Der drit heist Mosfor Serueia Montrea/ vii meilen von Pareis.

Der vierdt heist Mosfor Niclas Malunt a Scellon auff Schampanien vierzehen meilen wegs von Pareis.

Sagt weiter er hab vermerckt vnd hören sagen von den heuptleuten sie haben die premer von des Königs von Franckreich wegen aussgesandt/ dan die Deusch en hetten dem König grossen schaden gethon/ vnd we ren grosse kriegskent.

Der sechst Claus Franck von wertē ein alter kriegs man/ vmb xl. jar aber daruber hat nichts bekennen wöl len/ allein er sey inn ettlichen schlachten gewest/ vn̄ hab dem krieg nachgezogen/ hab das letzmal den Hertzog von Wirtenberg helffen einsetzen. Ist zwen tag nach ei nander zimlich hart mit peinlicher frag angehaltē wor den.

Bekentnus Hans meisters von Bomees eins mortbrenners so itzt im hoffē zu Mentz/ wie vnderscheidenlich folget gethan.

Erstlich sagt er acht tag nach S. Johans tage dis viertzigsten jars/ sollen ihr auff LX. bey Limpurg zu Montebur zusammen komen/ da soll jr einer dem andern sagen was ein jeder ausgericht hette.

Zum andern bekent Hans von Bomees ein metzler/ er hab einen helffen ermorden mit Selteneich/ vnd Ja cob metzler von Leiche der noch jetzund zu Wilpurch gefangen im Rinckaw bey Eisenheim haben vi. gulden bey iime funden/ anderhalben an weispennigen/ ein tas ler/ vnd xv. batzen/ vnd das vberig klein pfenning. Vnd sagt sie haben den cörper inn die wid vnd hecken gezos gen/ do sey ein fischer von vngeser daher gefaren/ vnd
B do er

do er für gefaren/ist seiner gesellen einer inn einen wein-
gart gelauffen/vnd einen grossen stein geholt/ den stein
mit einer weiden dem entleibten geredt / vnd mit einem
stichmesser inn die seiten gestochen vnd auff den ermel
gefallen vnd gehalten/ des entleibten rock mit jme ge-
tragen/vnd zu Schirften einem Jüden verkauft/ vnd
ist eisgraw gewesen.

Zum dritten haben diese drey Jacob metzler von leis-
che ligt im hoffe zu Wilpurg/ Hans Seltereich hat sich
selbst zu Mentz in thurn gehangen/ vnd Hans von Bo-
mees einen ermort bey Wormbs vmb S. Michels tag
Anno neunvntzwentzig/ bey der ziegelhütten/ vnd ist der
entleibt von Newhausen heraus gangen/ vnd einen der
vorbenant metzler hernider geschlagen/ an den schlaff
getrossen auff den armen geknehet vnd erstochen. In-
förter erstochen mit einem stichmesser/ darnach trugen
sie in auff zwei ackerleng vnd worffen den doten körper
inn den Rhein da es tieff was / vnd funden bey dem ent-
leibten fünffthalben gulden eins guten werpfenning/
drey gulden wert patzen/ drey dick pfenning.

Zum vierden haben sie drey abermals ein mort ge-
than vnd an Nischaffenburg auff der weid / do ist ih-
nen einer begegnet bey der nacht / do hat der Metzler
gesagt/ Jacob soll ich ihne schiessen/ do haben die ande-
ren beid Hansen abgesagt/ man möchts hörē/ darauff
der Metzler gesagt/ wie es will/ es ist nacht. Hat Jacob
gesagt/ es ist nacht man denckt ich schies nach einem
hasen / vnd hat den armen mit einer feurbüchsen durch
einen arm geschossen der gesagt awe awe. Do funden
sie einen seckel dem armen am halse hangen/ darin was-
ren xvj. gulden darunder vj. Taler das ander pfenning.

Den fünfften mordt haben sie volbracht bey dem
Falbs

Falbskopff genseid Franckfort nach dem Hirsprunge/
neben der stras wolten sie ruhen / ihre schu zusegen / ist
Hans Seltenreich auff den armen frembden man ge/
fallen / der hat willen nach Heidelberg ziehen / Do ist
Jacob metzler mit dem stichmesser auch zugefallen / vñ
den armen zu dem gemecht herein gestochen / vñ ein
halben gulden vngeferlich bey ihm funden. Wie sie nun
so wenig bey dem armen funden haben / sie es bereret
vñ das beweinet.

Faint, illegible text, likely bleed-through from the reverse side of the page.




77 L 1059

ULB Halle 3
002 814 129



56.





Bekentnus vnnnd besa-
 gung etlich gefangener mordbrenner/
 so newlich allenthalben inn Deudscher Na-
 tion zubrennen bestellt etc. menig-
 lichem zur warnung inn-
 truck ausgehen
 lassen.

Dis ist der brenner zeichen wie der von
 Bomeß selbst gezeichnet/ ins wirtshaus
 auff einen teller geschritten.

